



## LA VÔUS DI GRÂND ANSIÂN

Di Enza Istelli

Per dîr ca sòm avânti cun l'été,  
na parōla d'unòur gh'è stē suntê.  
Adèsà sòm "grând ansiân", nōva manēra,  
ûltma stasiòun, ad sòul, ûltma spēra.  
Spól dîr ch'andòm avânti vultê indrê,  
per lēser al pènsar ad chi s'côr adrê.  
Custrèt andêr ad prèsia, s'n'în mîa acōrt  
chi brūsen in cōsa, per rîver al nōster pōrt.  
Téimp fâ, la prèsia l'ôm lasēda al lēvri :  
al fisech stōf, mô al mèint piò alêgri.  
Lavòur e pasiòun andēven dal pēra:  
a vrîva dîr mēter al pân in dla panēra.  
Cûn na parōla sòul, "BRÈV", at vulēv,  
tlà turnēv a sintèir s't'lā meritēv.  
Al lòm dla sperānsa spichèva a l'orisûnt,  
adèsà t'al sèirch, t'al vèd d'un culōur smûnt,  
infònd malinconia, t'vîn da dîr : "che pchê!"  
Vèta, dòun, semplicitê, chi s'l'à cumplichê?  
Chi ā smursê al vòus pîni 'd significhêt:  
lavòur, dignitè, unòur, orgò d'un stêt?  
Lè ìven catê al bāndol dal fil bòn,  
sò cāl fil tirè stîndiven i nōster sògn,  
inseguîven cōl ch'as fèva brîler i ôc,  
òm serchê l'iméins, a cōst ad rivêreg in snòc.  
Adèsà scōla e famîa is prēven incuntrêr,  
sò cāl sintêr tracê srà ôtel dialoghêr,  
scambiêres al testimoni cûn amòur e pasiòun,  
gioîr prâl riscât dal nōvi generasiòun.

## LA VOCE DEI GRANDI ANZIANI

Per dire che siamo avanti con gli anni  
una parola d'onore è stata aggiunta.  
Adesso siamo "grandi anziani", nuova maniera,  
ultima stazione, di sole ultima spera.  
Si può dire che andiamo avanti voltati indietro,  
per leggere il pensiero di chi ci corre dietro.  
Costretti ad andar di fretta, si sono accorti  
che stan bruciando tutto, per arrivare al nostro porto.  
Tempo fa' la fretta l'abbiam lasciata alle lepri:





il fisico stanco, ma le menti più allegre.  
Lavoro e passione andavano alla pari:  
voleva dire mettere pane nella madia.  
Con una parola sola , "BRAVO", tu volavi,  
la tornavi a sentire se te la meritavi.  
Il lume della speranza spiccava all'orizzonte,  
adesso lo cerchi, lo vedi di un colore smunto,  
infonde malinconia,ti vien da dire "che peccato"!  
Vita, dono, semplicità, chi ce l'ha complicata?  
Chi ha spento le voci piene di significato:  
lavoro dignità, onore, orgoglio di uno stato?  
Lì avevamo trovato il bandolo del filo buono,  
su quel filo tirato stendevamo i nostri sogni,  
inseguivamo ciò che ci faceva brillare gli occhi,  
lì cercavamo l'immenso, a costo di arrivarci in ginocchio.  
Adesso scuola e famiglia si potrebbero incontrare,  
su quel sentiero tracciato sarà necessario dialogare,  
scambiarsi il testimone con amore e passione,  
gioire per il riscatto delle nuove generazioni.